



大埔腔

# 桃花源記

to<sup>ˇ</sup> fa+ ngien<sup>ˇ</sup> gi<sup>ˋ</sup>

作者：陶淵明  
年代：東晉  
散文

晉太元中，武陵人，捕魚為業。  
zin<sup>ˋ</sup> tai<sup>ˋ</sup>ngien<sup>ˇ</sup>zhung+ vu<sup>^</sup> lin<sup>ˇ</sup>ngien<sup>ˇ</sup> pu<sup>^</sup> ng<sup>ˇ</sup> vui<sup>ˇ</sup>ngiab<sup>ˋ</sup>

緣溪行，忘路之遠近。忽逢桃花  
rhen<sup>ˇ</sup>kie+hang<sup>ˇ</sup> mong<sup>ˇ</sup>lu<sup>ˋ</sup> zii+ rhen<sup>^</sup>kiun<sup>ˋ</sup> fud<sup>^</sup>fung<sup>ˇ</sup>to<sup>ˇ</sup>fa+

林，夾岸數百步，中無雜樹，芳  
lim<sup>ˇ</sup> giab<sup>ˋ</sup>ngan<sup>ˋ</sup>su<sup>ˋ</sup>bag<sup>^</sup>pu<sup>ˋ</sup> zhung+vu<sup>ˇ</sup>cab<sup>ˋ</sup>shu<sup>ˋ</sup> fong+

草鮮美，落英繽紛。漁人甚異之。  
co<sup>^</sup>sien+mui+ log<sup>ˋ</sup>rhin+ bin+fun+ ng<sup>ˇ</sup>ngien<sup>ˇ</sup>shim<sup>^</sup>rhi<sup>ˋ</sup>zii+

復前行，欲窮其林。林盡水源，  
fug<sup>ˋ</sup>cien<sup>ˇ</sup>hang<sup>ˇ</sup> rhug<sup>ˋ</sup>kiung<sup>ˇ</sup>ki<sup>ˇ</sup>lim<sup>ˇ</sup> lim<sup>ˇ</sup>cin<sup>ˋ</sup>shui<sup>^</sup>ngien<sup>ˇ</sup>

便得一山，山有小口，彷彿若有  
pien<sup>ˋ</sup>ded<sup>^</sup>rhid<sup>^</sup>san+ san+rhiu+ siau<sup>^</sup>kieu<sup>^</sup> fong<sup>^</sup>fud<sup>ˋ</sup>rhog<sup>ˋ</sup>rhiu+

光。便舍船，從口入。  
gong+ pien<sup>ˋ</sup>sha<sup>^</sup>shon<sup>ˇ</sup> ciung<sup>ˇ</sup>kieu<sup>^</sup>ngib<sup>ˋ</sup>

初極狹，才通人，復行數十步，  
cu+ kid<sup>ˋ</sup>hab<sup>ˋ</sup> cai<sup>ˇ</sup>tung+ngin<sup>ˇ</sup> fug<sup>ˋ</sup>hang<sup>ˇ</sup>su<sup>ˋ</sup>shib<sup>ˋ</sup>pu<sup>ˋ</sup>

豁然開朗。土地平曠，屋舍儼然，  
vog<sup>^</sup>rhen<sup>ˇ</sup>koi+long<sup>ˋ</sup> tu<sup>^</sup>ti<sup>ˋ</sup>pin<sup>ˇ</sup>kong<sup>ˋ</sup> vug<sup>^</sup>sha<sup>ˋ</sup>ngiam<sup>^</sup>rhen<sup>ˇ</sup>

有良田、美池、桑竹之屬，阡陌  
rhiu+liong<sup>ˇ</sup>tien<sup>ˇ</sup> mui+chi<sup>ˇ</sup> song+zhug<sup>^</sup>zii+shug<sup>ˋ</sup> cien+med<sup>^</sup>

交通，雞犬相聞。其中往來種作，  
gau+tung+ gie+kien<sup>^</sup>siong+vun<sup>ˇ</sup> ki<sup>ˇ</sup>zhung+vong+loi<sup>ˇ</sup>zhung<sup>ˋ</sup>zog<sup>^</sup>

男女衣著，悉如外人；黃髮垂髻，

並怡然自樂。見漁人，乃大驚，

問所從來，具答之，便要還家，

設酒、殺雞、作食。村中聞有此

人，咸來問訊，自云：「先世避

秦時亂，率妻子邑人來此絕境，

不復出焉，遂與外人間隔。」問

今是何世？乃不知有漢，無論魏、

晉！此人一一為具言所聞，皆嘆

惋。餘人各復延至其家，皆出酒

食。停數日，辭去。此中人語云：

「不足為外人道也。」

既出，得其船，便扶向路，處

處誌之。及郡下，詣太守，說如

此。太守即遣人隨其往，尋向所

誌，遂迷不復得路。南陽劉子驥，

高尚士也，聞之，欣然規往，未

果，尋病終。後遂無問津者。